



NAFARROAKO PARLAMENTUKO

ALDIZKARI OFIZIALA

X. legegintzaldia

Iruña, 2020ko abuztuaren 4a

84. ZK.

A U R K I B I D E A

G SAILA:

Txostenak, deialdiak eta Parlamentuko informazioa:

—“Nafarroako Kontseilua, 2019” fiskalizazio-txostena, Kontuen Ganberak egina (2. or.).

G saila:
TXOSTENAK, DEIALDIAK ETA PARLAMENTUKO INFORMAZIOA

“Nafarroako Kontseilua, 2019” fiskalizazio-txostena, Kontuen Ganberak egina.

Nafarroako Parlamentuko Mahaiak, 2020ko uztailaren 27an eginiko bilkuran, Eledunen Bartzarrari entzun ondoren, erabaki hau hartu zuen, besteak beste:

Kontuen Ganberak “Nafarroako Kontseilua, 2019” fiskalizazio-txostena egin du.

Nafarroako Kontuen Ganbera arautzen duen abenduaren 20ko 19/1984 Foru Legearen 8.c) artikuluari dagokionez Nafarroako Parlamentuko Erregelamenduaren 205. artikuluan ezarritakoarekin bat, hona hau ERABAKI DA:

1. Txosten horren edukiaren jakinaren gainean dagoela adieraztea (20CCO-22).

2. Nafarroako Parlamentuko Aldizkari Ofizialean argitara dadin agintzea.

Iruñean, 2020ko uztailaren 27an

Lehendakaria: Unai Hualde Iglesias

**“Nafarroako Kontseilua, 2019”
fiskalizazio-txostena,
Kontuen Ganberak egina**

AURKIBIDEA

- I** Sarrera (3. or.).
- II.** Nafarroako Kontseilua (3. or.).
- III.** Helburuak eta norainokoa (4. or.).
- IV.** Iritzia (5. or.).
 - IV.1. Auditoretza finantzarioko iritzia (6. or.).
 - IV.2. Legezketasuna betetzeari buruzko iritzia (6. or.).
- V.** Nafarroako Kontseiluaren 2019ko urteko kontuen laburpena (7. or.).
 - V.1. Aurrekontuaren likidazioa (7. or.).
 - V.2. Aurrekontu-emaitza (7. or.).
 - V.3. Diruzaintzako gerakina (8. or.).
 - V.4. Balantzea (8. or.).
 - V.5. Ekonomia eta ondare emaitzako kontua (9. or.).
 - V.6. Ondare garbian izandako aldaketen egoera-orria (9. or.).
 - V.7. Eskudiru-fluxuen egoera-orria (10. or.).
- VI.** Konklusioak eta gomendioak (11. or.).
 - VI.1. Aurrekontu-likidazioa (11. or.).
 - VI.2. Aurrekontuetako gastuak (11. or.).
 - VI.3. Aurreko urteetako gomendioen jarraipena (12. or.).

I. SARRERA

Kontuen Ganberak, bera arautzen duen abenduaren 20ko 19/1984 Foru Legeari eta 2020rako jarduketa-programari jarraituz, Nafarroako Kontseiluaren 2019ko ekitaldiko urteko kontuak fiskalizatu ditu.

Txostenak sei atal ditu, sarrera barne. Bigarrenean, Kontseiluaren datu esanguratsuenak deskribatzen ditugu; hirugarrenean, gure fiskalizazioaren helburuak eta norainokoa identifikatzen ditugu; laugarrenean, Kontseiluaren 2019ko ekitaldiko Kontu Orokorrari buruzko iritzi finantzarioa eta legezkotasuna betetzeari buruzkoa ematen ditugu; horren laburpena bosgarren atalean jasotzen da. Seigarren epigrafeak egindako lanetik ateratako ondorio eta gomendioak jasotzen ditu.

Landa-lana 2020ko ekainean egin du lantalde batek, zeina auditoriako teknikari batek eta auditore batek osatua baitzegoen. Kontuen Ganberako zerbitzu juridiko, informatiko eta administratiboen lankidetzaren ere izan dute.

Jarduketa honen emaitzak Nafarroako Kontseiluko lehendakariari azaldu zitzaizkion, kasua bada egokitzat jotzen zizuten alegazioak aurkezteko, Nafarroako Kontuen Ganberari buruzko 19/1984 Foru Legearen 11.2 artikuluan aurreikusitakoari jarraituz. Jarritako epea iraganda, ez zen alegaziorik aurkeztu.

Eskerrak eman nahi dizkiegu Nafarroako Kontseiluko langileei, lan hau egiteko emandako laguntza-rengatik.

II. NAFARROAKO KONTSEILUA

Nafarroako Kontseilua, Nafarroako Foru Eraentza Berrezarri eta Hobetzeari buruzko Lege Organikoaren 28. ter artikuluan esaten den moduan, Nafarroako Foru Komunitateko organo aholku-emaile nagusia da, eta bere funtzioak autonomia organiko eta funtzionalarekin betetzen ditu, bere objektibotasun eta independentzia bermatze aldera.

Bere eginkizunetan diharduela, ordenamendu juridikoa gordetzen dela begiratu du eta abaguenari eta komenigarritasunari dagozkien alderdiak baloratuko ditu, bai eta Administrazioak eraginkortasun handiagoa izatea ere bere helburuak betetzerakoan.

Nafarroako Kontseiluari buruzko ekainaren 9ko 8/2016 Foru Legearen 2. artikuluan xedatzen denez, Nafarroako Kontseilua bost kidek osatzen dute, izen aitortua dutenak eta gutxienez ere hamabost urteko lanbide-esperientzia izan eta nafar izaera politikoa daukaten juristen artean izendatuak.

Nafarroako Kontseiluko gobernu- eta erabaki-organoa Osoko Bilkura da, kontseiluko kide guztiek osatua. Kontseiluko kideek hautatzen dituzte lehendakaria eta idazkaria. Nafarroako Kontseiluko kideen ordainsariak dieta-sistema baten bidez ordaintzen dira eta kalte-ordain batzuk jasotzen dituzte txostenen eta irizpenen egile gisa parte hartzeagatik.

Honako hauek osatzen dute, funtsean, Nafarroako Kontseiluari 2019an aplikatzekoa zaion arau-esparrua:

- 13/1982 Lege Organikoa, abuztuaren 10ekoa, Nafarroako Foru Eraentza Berrezarri eta Hobetzeari buruzkoa.
- 8/2016 Foru Legea, ekainaren 9koa, Nafarroako Kontseiluari buruzkoa.
- 90/2000 Foru Dekretua, otsailaren 28koa, Nafarroako Kontseiluaren Antolamendu eta Jardunbidearen Erregelamendua onesten duena.
- 6/2006 Foru Legea, ekainaren 9koa, eta 13/2018 Foru Legea, apirilaren 13koa, Kontratu Publikoari buruzkoa.
- 13/2007 Foru Legea, apirilaren 4koa, Nafarroako Ogasun Publikoari buruzkoa.
- 27/2018 Foru Legea, abenduaren 24koa, 2019ko ekitaldirako Nafarroako Aurrekontu Orokorrei buruzkoa.

III. HELBURUAK ETA NORAINOKOA

Kontseiluaren 2019ko ekitaldiko finantzei eta lege-betetzeari buruzko fiskalizazioa egin da, honako honi buruzko iritzia emateko:

- Ea 2019ko ekitaldiko Kontu Orokorrak, alderdi esanguratsu guztietan, irudi fidela ematen duen 2019ko abenduaren 31ko ondareari, finantza-egoerari, aurrekontu-likidazioari eta emaitza ekonomikoari buruz, aplikatzekoa den arau-esparruari jarraikiz eta, bereziki, bertan jasota dauden kontabilitate- eta aurrekontu-printzipio eta -irizpideei jarraikiz.
- Ea Kontseiluak 2019ko ekitaldian zehar egindako jarduketak eta aurrekontu- eta finantza-eragiketak eta Kontu Orokorrean jasotako informazioa bat datozen, alderdi adierazgarri guztietan, funts publikoen kudeaketari aplikatzekoak zaizkion arauekin.
- Aurreko urteetako gomendioen betetzea.

Nafarroako Kontseiluaren 2019ko urteko kontuen fiskalizazioaren norainokoa. Honako hauek dira kontabilitateko egoera-orriak:

- Aurrekontuaren likidazioaren egoera-orria.
- Balantzea
- Ekonomia eta ondare emaitzako kontua.
- Ondare garbian izandako aldaketen egoera-orria.
- Eskudiru-fluxuen egoera-orria
- Oroitidazkia

Fiskalizazioaren denbora-norainokoa 2019ko ekitaldiari dagokio, baina beste ekitaldi batzuei buruzko beharrezko egiaztapenak egin dira, ezarritako helburuak hobeki lortzeko.

Legeria betetzeari dagokionez, norainokoa txosten honen VI. atalean aipatzen diren laginetan berrikusitako eragiketei dagokie.

IV. IRITZIA

Nafarroako Kontseiluaren 2019ko ekitaldiko urteko kontuak fiskalizatu ditugu. Haren kontabilitatearen egoera-orriak laburbilduta jaso ditugu txosten honen V. atalean.

NAFARROAKO KONTSEILUAREN ERANTZUKIZUNA

Nafarroako Kontseiluko lehendakaria da urteko kontuak egiteko ardura duena. Urteko kontu horiek, Osoko Bilkurari aurkeztuko dizkio, onets ditzan, halako moduz non irudi zehatza azalduko baitute Nafarroako Kontseiluaren ondareari, finantza-egoerari, emaitzei eta aurrekontu-betetzeari buruz, aplikatzea den finantza-informazio publikoko eta barne kontroleko arau-esparruari jarraituz, horren bidez presatatu eta aurkeztu ahal izateko iruzur edo akatsen ondoriozko oker materialik ez duten urteko kontu batzuk.

Urteko kontuak egiteko eta aurkezteko erantzukizunaz gainera, Nafarroako Kontseiluko lehendakariak bermatu beharko du urteko kontuetan islatutako jarduerak, aurrekontu- nahiz finantza-eragiketak eta informazioa bat datozela aplikatzea den araudiarekin, eta xede horretarako beharrezkoak diren barne kontroleko sistemak ezarri beharko ditu.

NAFARROAKO KONTUEN GANBERAREN ERANTZUKIZUNA

Gure erantzukizuna da iritzi bat adieraztea urteko kontuei buruz eta gure fiskalizazioan oinarrituta egin diren eragiketen legezkoatasunari buruz.

Horretarako, fiskalizazio hori egin dugu Kanpo Kontroleko Erakunde Publikoek erabakitako funtsezko fiskalizazio-printzipioen arabera, zehazki, ISSAI-ES 200 delakoa aplikatu dugu, fiskalizazio finantzarioei buruzkoa, bai eta ISSAI-ES 400 ere, betetzearen gaineko fiskalizazioei buruzkoa. Printzipio horiek eskatzen dute etikaren arloko eskakizunak bete ditzagula, bai eta lanaren plangintza eta exekuzioa egin dezagula ere, honako helburuarekin: urteko kontuetan arrazoizko segurtasun bat lortzea eta haietan akats materialik ez egotea; eta finantzen egoera-orrietan islatutako jarduketak, finantza-eragiketak eta informazioa, alderdi adierazgarri guztietan, arau indardunen arabekoak izatea.

Fiskalizazio honek eskatzen du prozedura batzuk aplikatu ditzagula auditoria-ebidentzia bat lortzeko zenbatekoei eta urteko kontuetan adierazitako informazioari buruz, bai eta eragiketen legezkoatasunari buruz ere.

Hautatutako prozedurak auditorearen irizpidearen arabekoak dira, horren barne dela kontu orokorren akats materialei buruzko arriskuen balorazioa, akats hori iruzurraren nahiz akatsaren ondoriozkoa denean eta legezkoatasunaren ez-betetze aipagarrien ondoriozkoa denean ere. Arriskuari buruzko balorazio horiek egiterakoan, auditoreak barne kontrola hartzen du kontuan —entitateak urteko kontuak egin ditzan garrantzitsua baita— inguruabarren arabera auditoria prozedura egokiak diseinatze aldera, eta ez entitatearen barne kontrolaren eraginkortasunari buruzko iritzia emateko xedez.

Azterketa honek barne biltzen du, era berean, aplikatutako kontabilitate-politiken egokitasuna eta zuzendaritzak egindako kontabilitate-estimazioen arrazoizkoatasuna, bai eta urteko kontuen aurkezpena ere, oro har.

Gure ustez lortu dugun auditoria-ebidentziak behar adinako oinarria eta oinarri egokia biltzen du finantza-auditoriari eta legezkoatasuna betetzeari buruzko iritzia eusteko.

IV.1. AUDITORETZA FINANTZARIOKO IRITZIA

Gure iritziz, 2019ko ekitaldiko urteko kontuek, alderdi aipagarri guztietan, irudi zehatza erakusten dute, Nafarroako Kontseiluaren ondareari eta finantza-egoerari dagokienez 2019ko abenduaren 31n, bai eta data horretan amaitutako ekitaldiko emaitza ekonomiko eta aurrekontukoei dagokienez ere, betiere aplikatzekoa den informazio finantzario publikoari buruzko arau-esparruari eta, bereziki, bertan jasotako kontabilitateko eta aurrekontuen inguruko printzipio eta irizpideei jarraituz.

IV.2. LEGEZKOTASUNA BETETZEARI BURUZKO IRITZIA

Gure iritziz, egindako lanaren norainokoa kontuan hartuta, Nafarroako Kontseiluaren 2019ko ekitaldiko jarduketak, aurrekontu- eta finantza-eragiketak eta urteko kontuetan jasotako informazioa bat datozen, alderdi adierazgarri guztietan, funts publikoen kudeaketari aplikatzekoak zaizkion arauekin.

V. NAFARROAKO KONTSEILUAREN 2019KO URTEKO KONTUEN LABURPENA**V.1. AURREKONTUAREN LIKIDAZIOA***DIRU-SARRERAK KAPITULUZ KAPITULU*

	Behin-behineko aurrekontua	Behin betiko aurrekontua	Aitortutako eskubideak	Kobrantzak	% betea
4. Transferentzia arruntak	422.188	422.188	377.049	377.049	89
7. Kapital-transferentziak	28.000	28.000	0	0	0
Diru-sarrerak, guztira	450.188	450.188	377.049	377.049	84

GASTUAK, KAPITULUZ KAPITULU

	Hasierako aurrekontua	Behin betiko aurrekontua	Aitortutako betebeharrak	Ordainketak	Bete-tzea (%)
1. Langile-gastuak	201.818	201.818	151.089	151.089	75
2. Ondasun arruntetan eta zerbitzuetan egindako gastuak	220.370	220.370	144.182	144.182	65
6. Inbertsio errealak	28.000	28.000	0	0	0
Gastuak, guztira	450.188	450.188	295.271	295.271	66

V.2. AURREKONTU-EMAITZA

Kontzeptua	2018				2019			
	Aitortutako eskubide garbiak	Aitortutako betebeharrak	Doikuntzak	Aurrekontu-emaizta	Aitortutako eskubide garbiak	Aitortutako betebeharrak	Doikuntzak	Aurrekontu-emaizta
a. Eragiketa arruntak	372.539	264.622		107.917	377.049	295.271		81.778
b. Kapital-eragiketak	17.679	17.679		0	0	0		0
c. Merkataritza-eragiketak	0	0		0	0	0		0
1. Finantzaz bestelako eragiketak, guztira (a+b+c)	319.218	282.301		107.917	377.049	295.271	0	81.778
d. Aktibo finantzarioak	0	0		0	0	0		0
e. Pasibo finantzarioak	0	0		0	0	0		0
2. Finantza-eragiketak, guztira (d+e)	0	0		0	0	0		0
I. Ekitaldiko aurrekontu-emaizta (I=1+2)	319.218	282.301		107.917	377.049	295.271		81.778
Doikuntzak								
3. Gastatutako kredituak, atxiki gabeko diruzaintzako gerakinarekin finantzuak			0				0	
4. Ekitaldiko finantzaketa-desbideratze negatiboak			0				0	
5. Ekitaldiko finantzaketa-desbideratze positiboak			0				0	
II. Doikuntzak, guztira (II=3+4+5)			0				0	
Aurrekontu-emaizta doituia (I+II)				107.917				81.778

V.3. DIRUZAINZAKO GERAKINA

Kontzeptua	2018	2019
1. (+) Funts likidoak	97.386	89.907
2. (+) Kobratzeko dauden eskubideak	17.679	0,49
(+) Ekitaldiko aurrekontuenak	0	0
(+) Aurrekontu itxienak	0	0
(+) Aurrekontukoak ez diren eragiketenak	0	0,49
(+) Merkataritzako eragiketenak	0	0
3. (-) Ordaintzeko dauden betebeharrak	7.148	8.130
(+) Ekitaldiko aurrekontuenak	0	0
(+) Aurrekontu itxienak	0	0
(+) Aurrekontukoak ez diren eragiketenak	7.148	8.130
(+) Merkataritzako eragiketenak	0	0
4. (+) Aplikatzeko dauden kontu-sailak	0	0
(+) Eginiko kobrantzak, behin betikoz aplikatu gabeak	0	0
(+) Eginiko ordainketak, behin betikoz aplikatu gabeak	0	0
I. Diruzaintzako gerakina, guztira (1+2-3+4)	107.917	81.778
II. Gehiegizko finantzaketa atxikia	0	0
III. Kobratzeko zailak diren saldoak	0	0
IV. Atxiki gabeko diruzaintza gerakina= (I-II-III)	107.917	81.778

V.4. BALANTZEA

Aktiboa	2018	2019
Ibilgetu garbia	19.300	15.033
Altzariak eta tresneria	1.142	571
Informazioa prozesatzeko tresneria	479	319
Irudi korporatiboa	17.679	14.144
Aktibo zirkulatzailea	115.065	89.907
Diruzaintza	97.386	89.907
Epe laburreko zordunak	17.679	0
Aktiboa, guztira	134.365	104.941

Ondare garbia eta pasiboa	2018	2019
Ondare garbia	127.217	96.811
Ekitaldiko emailza	107.917	81.778
Beste ondare-gehikuntza batzuk, emaitzei egozteke daudenak	19.300	15.033
Epe laburreko hartzekodunak	7.148	8.130
Aurrekontukoak ez diren bestelako hartzekodunak		
Foru ogasun publikoa, PFEZa dela eta	6.148	8.130
Ogasun publikoa, 2017ko gerakina itzultzeagatik	1.000	
Ondare garbia eta pasiboa, guztira	134.365	104.941

V.5. EKONOMIA ETA ONDARE EMAITZAKO KONTUA

Zor	2018	2019	Hartzeko	2018	2019
Langile-gastuak	143.794	151.089	Diru-sarrera finantzarioak	0	0
Kanpoko lanak, hornidurak eta zerbitzuak	120.828	144.182	Transferentzia arruntak	372.539	377.049
Amortizazioa	1.603	4.266	Ibilgeturako diru-laguntzen emaitzen egozpena	1.603	4.266
<i>Aurrezkia (emaitza positiboa)</i>	107.917	81.778			
Guztira	374.142	381.315	Guztira	374.142	381.315

V.6. ONDARE GARBIA IZANDAKO ALDAKETEN EGOERA-ORRIA

Deskribapena	Sortutako ondarea	Bestelako ondare-gehikuntzak	Guztira
Amaierako ondare garbia, 2018	107.916	19.300	127.216
Ekitaldiko aldeak	-26.139	-4.266	-30.405
Ekitaldian aitortutako diru-sarrerak eta gastuak	81.778	-4.266	
Jabea den entitatearekin egindako eragiketak	-107.917		
Ondare garbian izandako beste alde batzuk			
Amaierako ondare garbia, 2019	81.778	15.033	96.811

V.7. ESKUDIRU-FLUXUEN EGOERA-ORRIA

Kontzeptua	2018	2019
I. Kudeaketa-jardueretako eskudiru-fluxuak		
A) Kobrantzak	247.020	265.804
Jasotako transferentziak eta diru-laguntzak	247.020	264.924
Kobratutako interesak eta dibidenduak	0	0
Beste kobrantza batzuk	0	880
B) Ordainketak:	-143.429	-164.366
Hornidurak	40.280	38.391
Bertaratze-dietak eta kontseilarien irizpenengatiko ordainak	73.518	94.528
Beste ente publiko batzuen kontura bildutako baliabideen kudeaketa	29.631	31.446
Ordaindutako interesak	0	0
<i>Kudeaketa-jardueretako eskudiru-fluxu garbiak (A+B)</i>	<i>103.591</i>	<i>101.438</i>
II. Inbertsio-jardueretako eskudiru-fluxuak		
C) Kobrantzak:		
Inbertsio errearen salmenta	0	0
Finantza-aktiboen salmenta	0	0
D) Ordainketak:	-17.679	0
Inbertsio errearen erosketak	17.679	0
Finantza-aktiboen erosketak	0	0
<i>Inbertsio-jarduerengatiko eskudiru-fluxu garbiak (C+D)</i>	<i>-17.697</i>	<i>0</i>
III. Finantzaketa-jardueren eskudiru-fluxuak		
E) Ondarean izandako gehikuntzak		
Ondareari egindako ekarpenak		
F) Nafarroako Foru Komunitateko Administrazioari egindako ordainketak	-75.635	-108.917
Ekarpenen itzulketa eta emaitzen banaketa	75.635	-108.917
<i>Finantzaketa-jarduerengatiko eskudiru-fluxu garbiak (E+F)</i>	<i>-75.635</i>	<i>-108.917</i>
VII. Eskudiruaren handitze/gutxitze garbia	10.277	-7.479
Eskudirua ekitaldiaren hasieran	87.109	97.686
Eskudirua ekitaldiaren amaieran	97.386	89.907

VI. KONKLUSIOAK ETA GOMENDIOAK

Egindako fiskalizazioaren atal gisa, ondoren ohar eta iruzkin batzuk gehitu ditugu, bai eta Ganbera honen ustez fiskalizazio txosten honen hartzaile eta erabiltzaileentzat interesgarri gerta daitekeen informazio gehigarriaren bat ere.

Halaber, txostenak jasotzen ditu Ganbera honen ustez Nafarroako Kontseiluaren kudeaketa ekonomiko-administratiboa hobetzeko beharrezkoak diren gomendioak.

VI.1. AURREKONTU-LIKIDAZIOA

- Nafarroako Kontseiluaren aitortutako betebeharrak 295.271 euro egin dute, betetze-maila % 66koa izan da, eta horien ehuneko 97 ordaindu da. Horiek horrela, ehuneko bost igo da 2018 ekitaldiarekiko.

- Kontseiluak 2019an eta 2018an gastatutako 100 euro bakoitzetik honako helburu hauetarako erabili da euro bakoitza, eta honakoen bidez finantzatu da:

Gastuaren izaera	2018	2019	Finantzabidea	2018	2019
Langileak	51	51	Transferentzia arruntak	95	100
Ondasun eta zerbitzuetan egindako gastu arruntak	43	49	Kapital-transferentziak	5	0
Inbertsioak	6	0			
	100	100		100	100

- Aitortutako eskubideek 377.049 euro egin dute, haien betetze-maila % 84koa izan da eta guztiak ordaindu dira. Diru-sarrera horiek Nafarroako Gobernuaren transferentzia arruntetatik datoz eta ehuneko 3 murriztu dira aurreko ekitaldiarekin aldetuz gero, nagusiki 2019an ez delako inbertsiorik egin.

- Nafarroako Kontseiluak, arau indardunari jarraituz, 81.778 euro itzuliko dizkio Foru Ogasunari:

Diru-sarrerak, guztira	377.049
Gastuak, guztira	295.271
Aurrekontuko superabita	81.778
Foru Ogasunari itzuli beharrekoa, guztira	81.778

VI.2. AURREKONTUETAKO GASTUAK

- Nafarroako Kontseiluko langileen gastuak 1.513.240 eurokoak izan dira 2019an, 2018an baino % 5 gehiago. Nafarroako Kontseiluaren plantilla organikoa bi lanpostuk osatuta zegoen: legelari bat, funtzionarioa (lanpostua hutsik dago), eta lehendakariaren idazkari bat, zeina izendapen askeko behin-behineko langilea baita. 2019ko abenduaren 31n, Nafarroako Kontseiluan bi langilek egiten dute lan: legelari bat, zerbitzu eginkizunetan dagoen Nafarroako Gobernuko funtzionarioa, eta lehendakariaren idazkari bat.

- 2019an, Nafarroako Kontseiluak 54 irizpen eman zituen; 2018an baino 14 gehiago. Kontseiluko kideei irizpen horiek egiteagatik ematen zaizkien ordainsariak 105.764 euro egin dute, eta bertaratzedietek, berriz, 21.285 euro egin dute; guztira, aurreko ekitaldian baino ehuneko 30 gehiago. Txostenak prestatzeagatik ordainsariak zuzen egozten zaizkio gastu arrunten 2. kapitulari.

- Ondasun eta zerbitzuetan eginiko gastu arruntek 144.182 euro egiten dute. Garbiketa-zerbitzuaren gastuek, guztira, 6.952 eurokoak izan dira eta mugaeguneratutako kontratu batekin bete dira 2019ko azarora arte. 2018ko maiatzean, Kontseiluak kontratu bat sinatu zuen Nafarroako Foru Komunitateko Administrazioarekin, garbiketa-zerbitzuak emanen dituzten enpresen eta profesionalen hautaketarako esparru-akordioari atxikitzeko. Esleipena asko atzeratu da, Kontseiluaren egoitza sartzan zen loteari aurkeztutako helegite bat dela-eta; azkenik, 2019ko urrian, kontratua esleitu zitzaion abendutik aurrera zerbitzua ematen duen enpresari.

- Inbertsioen kapitulari dagokionez, behin betiko kredituak 28.000 eurokoak ziren, eta ez dira bete.

VI.3. AURREKO URTEETAKO GOMENDIOEN JARRAIPENA

Aurreko urteetako gomendioen jarraipenak indarrean jarraitzen dute:

- *Nafarroako Kontseiluko plantilla organikoan dagoen lanpostu hutsaren egoera aztertzea, sortu zenetik zerbitzu eginkizunetan bete baita, lanpostu horiek behin betikoz bete izan dadin, indarreko araudiaren araberako deialdi publikoan.*
- *Langile-gastuen 1. kapituluaren erregistratzea Kontseiluko kideek txostenen eta irizpenen egile gisa parte hartzeagatik jasotako konpentsazioei buruzko zenbatekoak, norberaren lanetik zuzenean eratorritako kontra-prestazioak baitira.*
- *Kontabilitate- eta aurrekontu-kudeaketarako programa informatiko bat ezartzeko aukera aztertzea.*

Txosten hau, indarrean dagoen araudiak ezarritako izapideak bete ondoren, Edurne Martinikorena Matxain auditoreak proposatuta jaulkitzen da, bera izan baita lan honen arduraduna.

Iruñean, 2020ko uztailaren 16an
Lehendakaria, Asunción Olaechea Estanga